

藝術典第三百十七卷

醫部彙考二百九十七

癲狂門三 單方

凡狂癲謬亂不識人伏龍肝末水服方寸匕每日三服千金方 失心風疾水銀一兩藕節八箇研

成砂子丸如芡子大每服二丸磨刀水下經方 病笑不休滄鹽煨赤研入河水煎沸啜

之探吐熱痰數升即愈儒門事親 卒發癲狂葶藶一升搗三千杵取白犬血和丸麻子大酒服一丸

三服取瘥肘后方 風癲發作則吐耳如蟬鳴引脇牽痛天門冬去心皮暴搗爲末酒服方寸匕日

三服久服良外臺祕要 癲病風疾九節菖蒲不聞雞犬聲者去毛木白搗末以黑豬心一箇批開

砂罐煮湯調服三錢每日三服正傳 風癲百病麻子四升水一升猛火煮令芽生去查煎取二升

空心服之或發或不發或多言語勿怪之但令人摩手足須臾即定凡進三劑無不愈千金方 風

痰癲疾茶芽梔子各一兩煎濃汁一椀服良久即吐摘元方 風癲用地黃三十斤天門冬十斤二

味搗取汁作煎服之瘥千金方下同 又方葇荑子三升搗篩酒一斗漬半日絞去滓湯中煎令可丸

先食服如小豆二丸加至如梧子二丸以知爲度額上手中從文理中赤起是知也無此候更服病日發者三日愈間日發者十日愈五日發者二十日愈半歲發者一月愈 狂邪風癲不避水火

苦參五斤密和丸如酸棗大每服十丸薄荷湯化下綱目 又方令患人著地仰臥以冷水終日淋

其面良 癲癩癰癧飛鵲頭二枚鉛丹一斤爲末密丸梧子大先食服三丸日三劑者夜一稍加

之千金方 風狂歌笑行走不休用豕猪肉一斤煮熟切膾和醬食或羹粥炒任服之心鏡 風疾

恍惚心煩腹痛或時悶絕復甦以青豕羊角屑微炒爲末無時溫酒服一錢聖惠方 凡狂發欲走

或自高貴稱神或悲泣呻吟此爲邪祟以蠶紙燒灰酒水任下方寸匕亦可治風癲肘后方 久癲

失志氣血虛弱者用河車治淨爛煮食之經驗方 傷寒發狂踰垣上屋寒水石二錢黃連一錢爲

末煎甘草冷服名鵲石散本事方 風熱心躁口乾狂言渾身壯熱寒水石半斤燒半日淨地坑內

盆合四面濕土壅起經宿取出入甘草末天竺黃各二兩龍腦二分糯米糕丸彈子大蜜水磨下集驗

方 傷寒發狂驚怖恍惚用撒法郎二分水一盞浸一夕服之天方國人所傳醫林集要 癲狂邪

疾防葵研末溫酒服一刀圭至二三服身潤及小不仁爲效肘后方 卒發狂癲燒自經死繩末水

服三指撮陳蒲煮汁服亦佳

藏器

傷寒發狂煩躁熱極吞生鷄子一枚效

食鑑

傷寒時氣溫病

六七日熱氣發狂見鬼欲走取白狗從背破取血乘熱攤胸上冷乃去之此治垂死者亦活無白犬

但純色者亦可

時后方

熱病發狂奔走似癲如見鬼神久不得汗及不知人事者以人中黃入大

罐內以泥固濟煨半日去火毒研末新汲水服三錢末退再服

斗門方

大熱狂渴乾陳人尿爲末

於陰地淨黃土中作五六寸小坑將末三兩匙於坑中以新汲水調勻良久澄清細細與飲卽解世

俗謂之地清

寇宗奭衍義

人魄鎮心安神魄定驚怖癲狂磨水服之

時珍

胞衣水主治狂言妄語

頭上無故髮豎虛痞等證天行熱病飲之立效

藏器

烏頭附子尖爲末茶服半錢吐風痰癲癩

時珍

狐肉羹治驚癇恍惚語言錯謬歌笑無度及五臟積冷蠱毒寒熱諸病用狐肉一片及五臟治淨入

豉汁煮熟入五味作羹或作粥食京中以羊骨汁鯽魚代豉汁亦妙

心鏡

銀屑主治熱狂驚悸發

癇水磨服之功勝紫雪

開寶

吐癲狂方此方可代瓜蒂三聖散之屬凡邪實上焦或痰或食或氣

逆不通等證皆可以此吐之用蘿蔔子搗碎以溫湯和攪取淡湯徐徐飲之少頃卽當吐出卽有吐

不盡者亦必從下行矣

又法蘿蔔子爲末溫水調服一匙良久吐涎沫愈

又法用鹽少許

於熱鍋中炒紅色乃入以水煮至將滾未滾之際攪勻試其滋味稍淡乃可飲之每用半碗漸次增飲自然發吐以去病爲度而止

其疾必愈

又方以鐵漿服之

癲狂大叫奔走用蝦蟆一隻去腹中物洗淨將腸胃復入腹

中入罐固濟煨紅土掩定隔夜取出入麝香一分同研極細每服一錢新汲水下

暴狂以硃砂

末酒調服方寸七日三次

鍼灸

素問曰病在諸陽脉且寒且熱諸分且寒且熱名曰狂刺之虛脉視分盡熱病已止

病初發歲

一發不治月一發不治月四五發名曰癲病刺諸分諸脉其無寒者以鍼調之病已止

肝熱病

者小便先黃腹痛多臥身熱熱爭則狂言及驚脅滿痛手足躁不得安臥庚辛甚甲乙大汗氣逆則

庚辛死刺足厥陰少陽其逆則頭痛員員脉引衝頭也

靈樞曰足陽明之別名曰豐隆去踝八

寸別走太陰其別者循脛骨外廉上絡頭項合諸經之氣下絡喉嚨其病氣逆則喉痹卒瘖實則狂

癲虛則足不收脛枯取之所別也

癲疾始生先不樂頭重痛視舉目赤甚作極已而煩心候之

於顙取手太陽陽明太陰血變而止

癲疾始作而引口啼呼喘悸者候之手陽明太陽左強者

攻其右右強者攻其左血變而止

癲疾始作先反僵因而脊痛候之足太陽陽明太陰手太陽

血變而止

治癲疾者常與之居察其所當取之處病至視其有過者瀉之置其血於瓠蘆之中

至其發時血獨動矣不動灸窮骨二十壯窮骨者骹骨也

筋癲疾者身倦變急大刺項大經之

大杼脉嘔多沃沫氣下泄不治

脉癲疾者暴仆四肢之脉皆脹而縱脉滿盡刺之出血不滿灸

之挾項太陽灸帶脉於腰相去三寸諸分肉本輪嘔多沃沫氣下泄不治

狂始生先自悲也喜

忘苦怒善恐者得之憂饑治之取手太陰陽明血變而止及取足太陰陽明

狂始發少臥不饑

自高賢也自辨志也自尊貴也善罵詈日夜不休治之取手陽明太陽太陰舌下少陰視之盛者皆

取之不盛釋之也

狂言驚善笑好歌樂妄行不休者得之大恐治之取手陽明太陽太陰

狂目妄見耳妄聞善呼者少氣之所生也治之取手太陽太陰陽明足太陰頭兩顙

狂者多食

善見鬼神善笑而不發於外者得之有所大喜治之取足太陰太陽陽明後取手太陰太陽陽明

狂而新發未應如此者先取曲泉左右動脉及甚者見血有頃已不已以法取之灸骹骨二十壯

熱病數驚癰癰而狂取之脉以第四鍼急瀉有餘者癰疾毛髮去索血於心不得索之水水者腎也大熱徧身狂而妄見妄聞妄言視足陽明及大絡取之虛者補之血而實者瀉之因其偃臥居其頭前以兩手四指挾按頸動脉久持之卷而切之下至缺盆中而復止如前熱去乃止此所謂推而散之者也 甲乙經曰癰疾嘔沫神庭及兌端承漿主之其不嘔沫本神及百會後頂玉枕天衝大

杼曲骨尺澤陽谿外丘當上脘旁五分通谷金門承筋合陽主之合陽在委中下二寸 癰疾上

星主之先取諶譚後取天牖風池 癰疾嘔沫暫起僵仆惡見風寒面赤腫頤會主之 癰疾

狂走癰癰搖頭口喎戾頸強強間主之 癰疾癰癰狂走頸項痛後頂主之後頂左項後一寸五

分 癰疾骨痠眩狂癰癰口噤千金作喉噤羊鳴刺腦戶 癰疾僵仆目妄見恍惚不樂狂走癰癰

絡却主之 癰疾大瘦腦空主之 癰疾僵仆狂瘡完骨及風池主之 癰疾互引天柱主

之 癰疾怒欲殺人身柱主之千金又云癰癰身熱狂走譫語見鬼 狂走癰疾脊急強目轉上插筋俞主之

癰疾發如狂走者面皮厚敦敦不治虛則頭重洞泄淋瀝大小便難腰尻重難起居長強主之

癰疾憎風時振寒不得言得寒益甚身熱狂走欲自殺目反妄見癰癰泣出死不知人肺俞主之

癰疾膈俞及肝俞主之

癰疾互引水溝及斷交主之

癰疾狂癰眩仆癰疾瘡不能言羊

鳴沫出聽宮主之

癰疾互引口喎喘悸者大迎主之及取陽明太陰候手足變血而止

狂

癰疾吐舌太乙及滑肉門主之

癰疾多言耳鳴口僻頰腫實則聾齟喉痹不能言齒痛鼻衄

虛則痹鬲俞偏歷主之

癰疾吐舌鼓頷狂言見鬼溫溜主之在腕後五寸

目不明腕急身

熱驚狂壁癰癰癰曲池主之

癰疾吐舌曲池主之

熱病汗不出狂互引頸噎外腫肩臂

痠重脅腋急痛不舉疥癰項不可顧支溝主之

癰疾吐血沫出羊鳴戾頸天井主之在肘後

熱病汗不出狂互引癰疾前谷主之

狂互癰疾數發後谿主之

狂癰疾陽谷及築賓通谷

主之

癰疾狂多善食善笑不發於外煩心渴商丘主之

癰疾短氣嘔血胸背痛行間主之

癰疾癰疾洞泄然谷主之

狂癰陰谷主之

癰疾發熱欠煩滿悲泣出解谷主之

癰疾

互引僵仆申脉主之先取陰蹻後取京骨頭上五行目反上視苦赤痛從內眥始復下半寸各三痛

左取右右取左

寒厥癰疾噤吟瘕瘕驚狂陽交主之

癰疾狂妄行振寒京骨主之

身

痛狂善行癰疾束骨主之補諸陽

癰疾僵仆轉筋僕參主之

癰疾目眈眈軌衄崑崙主之

癲狂疾體痛飛揚主之

癲疾反折委中主之

短氣心痹悲怒逆氣怒狂湯魚際主之

狂易多言不休及狂走欲自殺及目妄見刺風府

身熱狂走譏語見鬼癲癱身柱主之

狂

妄言怒惡火善罵詈巨闕主之

狂歌妄言怒惡人與火罵詈三里主之

狂易魚際合谷腕

骨支正少海崑崙主之

狂言太淵主之

狂言笑見鬼取之陽谿及手足陽明太陰

狂

疾掖門主之又俠谿丘墟光明主之

狂互引頭痛耳鳴目痹中渚主之

狂仆溫溜主之

狂妄走善欠巨虛上廉主之

狂易見鬼與火解谿主之

千金方曰解谿陽譫主癲疾

腦戶聽會風府聽宮翳風主骨痠眩狂癲癱口噤喉鳴沫出瘡不能言

臑會申脉主癲疾湊氣

五處身柱委中委陽崑崙主脊強反折癲癱癱疾頭痛

尺澤然谷主癲疾手臂不得上頭

曲池少主癲癱癱疾

飛揚太乙滑肉門主癲疾狂吐舌

溫留僕參主癲疾吐舌鼓頤狂言

見鬼

筋縮曲骨陰谷行間主驚癇狂走癲疾

完骨主癲疾偃仆狂瘡

天井小海主癲

疾羊癇吐舌羊鳴戾頸

天衝主頭痛癲疾互引數驚悸

風池聽會復留主寒熱癲仆

腦空束骨主癲疾大瘦頭痛

風府崑崙束骨主癲疾大瘦頭痛

攢竹小海後頂強間主癲

發癰癰狂走不得臥心中煩

大人癰小兒驚癰灸背第二椎及下窮骨兩處以繩度中折繩端

一處是脊骨上也凡三處畢復斷繩作三折令各等而叅合如△字以一角挂中央灸下二角俠脊

兩邊便灸之凡五處也故畫圖挂以丹挂所灸五處各百壯削竹皮爲度勝繩也

卒癰灸陰華

上宛宛中三壯得小便通卽瘥

千金翼云常尿孔上是穴

又法灸陰莖頭三壯

又法灸足大趾上聚毛

中七壯

又法灸囊下縫中二七壯

又法灸兩乳頭三壯

又法灸督脉三十壯三報穴

在直鼻中上入髮際

又法灸天窗百會各漸灸三百壯炷惟小作

又法灸耳上髮際各五

十壯

倉公法狂癰不識人癰病眩亂灸百會九壯

狂走擊癰灸玉枕上三寸一法頂後一

寸灸百壯

狂走癰疾灸頂後二寸十二壯

狂邪鬼語灸天窗九壯

狂走癰疾灸大幽

百壯

狂言恍惚灸天樞百壯

狂走癰癰灸季肋端三十壯

狂癰哭泣灸手逆注三十

壯穴在左右手腕後六寸

狂走驚癰灸河口五十壯穴在腕後陷中動脉是

狂癰風癰吐

舌灸胃脘百壯不針

狂邪發無常披髮大呼欲殺人不避水火及狂言妄語灸間使三十壯穴

在腕後五寸臂上兩骨間

狂走喜怒哀泣灸巨覺

亦作巨攬

隨年壯穴在背上甲內側反手所不及

者穴骨芒上捻之痛者是也

骨芒疑膏肓

狂邪鬼語灸伏兔百壯

前作天窗九壯

悲泣鬼語灸天府五

十壯

悲泣邪語鬼忙歌哭灸慈門五十壯

狂邪驚癇病灸命承三十壯穴在內踝後上行

三寸動脈上亦灸驚狂走也

狂癲風驚厥逆心煩灸巨陽五十壯

狂癲鬼語灸足太陽四

十壯

狂走驚恍惚灸足陽明三十壯

狂癲癇易疾灸足少陽隨年壯

狂走癲厥如死

人灸足大趾三毛中九壯

千金翼云灸大敦

狂走易罵灸八會隨年壯穴在陽明下五分

狂癲驚

走風恍惚嘔喜罵笑歌哭鬼語悉灸腦戶風池手陽明太陽太陰足陽明陽蹻少陽太陰陰蹻足跟

皆隨年壯

狂風罵詈擗斫人名爲熱陽風灸兩吻邊燕口處赤白際各一壯

又法灸陰囊

縫三十壯令人立以筆正挂當下已臥核卵上灸之勿令近前中卵核恐害陽氣也

狂走刺人

或欲自死罵詈不息稱神鬼語灸口吻頭赤白際一壯

又法灸兩肘內屈中五壯

又法灸

背胛中間三壯報灸之倉公法神效

卒狂言鬼語以甌帶急合縛兩手大指便灸左右脅下對

屈肋頭兩處火俱起各七壯須臾鬼自道姓名乞去徐徐問之乃解其手

風府肺膺主狂走欲

自殺

絡却聽會身柱主狂走癲癇

天柱臨泣主狂易多言不休目上反

支正魚際合

谷少海曲池腕骨主狂言驚恐

溫留掖門京骨主狂仆

神門陽谷主笑若狂

陽谿陽

谷主吐舌戾頸妄言

巨闕築賓主狂易妄言怒罵

衝陽豐隆主狂妄行登高而歌棄衣而

走 下廉丘墟主狂言非常

勞宮太陵主風熱善怒心中悲喜思慕歔歔喜笑不止

風

府崑崙束骨主狂易多言不休

丹溪心法曰卒狂言鬼語針大指指甲下卽止

醫學綱目

曰秦承祖灸鬼法狐魅神邪癲狂諸病并小兒驚癇兩手大指指用軟繩急縛之灸三壯艾炷著四處半在甲半在肉上四處盡燒一處不著其疾不愈神效難量此法累用累效 狂發怒欲殺人

見鬼灸明堂身柱後谿身柱在三椎節下間

呆癲灸神門一穴沿皮向前三分先補後瀉又後

谿補生瀉成

又法太鍾

矢志呆癲取神門中衝鬼服鳩尾百會

心悶不已取支溝

傷寒發熱不識尊卑取曲池絕骨百勞湧泉

本草綱目曰癲癇諸風熱艾於陰囊下穀道正門

當中間隨年歲灸之

導引

保生祕要曰風病導引法先念背而通至四肢又從四肢轉骨輪處想火燒之瘋氣結處折開環轉

推散癲狂導引法先將手把他手尺部拿住又將手把他手中指之脉通心者以指甲掐之後又把
他心頭推開痰出至神定時教他念臍守之久久復心頭推開分兩邊下穀道去

醫案

千金方曰唐相國寺僧允惠患癲疾失心經半年徧服名醫藥不效僧俗兄潘氏家富召孫思邈療
之孫曰今夜睡著明後日便愈也潘曰但告投藥報恩不忘孫曰有鹹物但與師吃待渴却來道夜
分僧果渴孫至遂求溫酒一角調藥一服與之有頃再索酒與之半角其僧遂睡兩晝夜乃覺人事
如故潘謝孫問其治法孫曰衆人能安神矣而不能使神昏得睡此乃靈苑方中硃砂酸棗仁乳香
散也人不能用耳又正肅吳公少時心病服前方一劑五日方寤遂瘥 儒門事親曰一叟年六
十值徭役煩擾而暴發狂口鼻覺如蟲行兩手爬搔數年不已戴人診其兩手脉皆洪大如絙繩斷
之曰口爲飛門胃爲賁門曰口者胃之上源也鼻者足陽明經起於鼻交頰之中旁約太陽下循鼻
柱交人中環唇下交承漿故其病如是夫徭役煩擾便屬火化火乘陽明經故發狂故經言陽明之
病登高而歌棄衣而走罵詈不避親疎又況肝主謀膽主決徭役迫遽而財不能支則肝屢謀而膽

屢不能決屈無所伸怒無所泄心火磅礴遂乘陽明經然胃本屬土而肝屬木膽屬相火火隨木氣而入胃故暴發狂乃命置燠室中涌而汗出如此爲三次內經曰木鬱則達之火鬱則發之良謂此也又以調胃承氣湯半斤用水五升煎半沸分作三服大下二十行血水與瘀血相雜而下數升取之乃康以通聖散調其後

項關令之妻病饑不欲食常好叫呼怒罵欲殺左右惡言不輟衆醫皆處藥幾半載尙爾戴人曰此難以藥治乃使二娼各塗丹粉作伶人狀其婦人大笑次日又作角觥又大笑常以兩箇能食之婦誇其食美病婦索其食而一嘗之數日怒減食增不藥而瘥後得一子夫醫貴有才無才何足應變無窮

一男子落馬發狂起則目瞪狂言不識親疎棄衣而走罵

罵涌出氣力加倍三五人不能執縛燒符作醮問鬼跳巫殊不知顧丹砂牛黃犀珠腦麝備嘗費財散去室中蕭然不遠二百里而求戴人一往戴人以車輪埋之地中約高二丈許上安之中等車輪其輞上鑿一穴如作盆之狀縛狂病人於其上使之伏臥以軟裯襯之又令一人於下坐機一枚以棒攪之轉千百遭病人吐出青黃涎沫一二斗許繞車輪數匝病人曰我不能任可解我下從其言而解之索涼水與之冰水飲數升狂方罷矣

一狂人陰不勝其陽則脈流薄厥陽并乃狂難經

曰重陽者狂重陰者癲陽爲腑陰爲臟非陽熱而陰寒也熱并於陽則狂狂則生寒并於陰則癲癲則死內經曰足陽明實則狂故登高而歌棄衣而走無所不爲是熱之極也以調胃承氣大作湯下數十行三五日復上涌一二升三五日又復下之凡五六十日下百餘行吐亦七八度如吐時暖室置火以助其熱而汗少解數汗方平 丹溪心法曰外弟歲一日醉飽後亂言妄語妄見詢之係

伊亡兄附體言生前事甚的乃叔在邊叱之曰非邪食腥與酒太過痰所爲耳灌鹽湯一大椀吐痰一二升汗因大作困睡一宵而安 金氏婦壯年暑月赴筵婦乃姑詢其坐次失序遂赧然自愧

因成此病言語失倫其中又多問一句曰奴奴不是脉皆數而弦余曰此非邪乃病也但與補脾清熱導痰數日當自安其家不信邀數巫者噴水而呪之旬餘而死或問曰病非邪而邪治之何遽至於死余曰暑月赴宴外境蒸熱辛辣適口內境鬱熱而況舊有積痰加之愧悶其痰與熱何可勝言今乃驚以法尺是驚其神而血不寧也噴以法水是實其體密其膚使汗不得泄也汗不泄則蒸熱內燔血不得寧則陰消而陽不能獨立也不死何俟或曰外臺祕要有禁呪一科庸可廢乎予曰移精變氣乃小術耳可治小病若內有虛邪外有實邪當用正大之法自有成式昭然可考然符水惟

膈上熱痰一呷涼水胃熱得之豈不清快亦可取安若內傷而虛與冬受嚴寒符水下咽必冰胃而致被害鬱熱在裏熱邪在表須以汗解卒得清冷膚腠固密熱何由解必致內攻陰陽離散血氣乖爭去死爲近

衛生寶鑑曰甲寅歲四月予隨翰耳朶行至界河裏住醜厮兀闕病五七日發狂亂棄衣而走呼叫不避親疎手執潼乳與人飲時人皆言風魔了巫師禱之不愈反劇上聞命予治之脉得六至數日不得大便渴飲潼乳予思北地高寒腠理緻密病傷寒者少然北地此時乍寒乍熱因此觸冒寒邪失於解利因轉屬陽明證胃實譫語又食羊肉以助其熱兩熱相合是謂重陽者狂陽勝宜下急以大承氣湯一兩半加黃連二錢水煎服之是夜下利數行燥屎二十餘塊得汗而解翌日再往視之身涼脉靜衆人皆喜曰羅謙甫醫好風魔也由此見用傷寒非雜病之比六經不同傳變各異診之而疑不知病源互相侮謗嗚呼嗜利貪名恥於學問此病何日而愈耶

醫學

綱目曰浙江一婦人癲狂不止醫以瓜蒂半兩爲末每一錢重并華水調滿一盞投之隨得大吐吐後熟睡勿令驚動自此無恙

許氏病陽厥狂怒罵詈不避親疎或哭或歌六脉舉按無力身表

如冰若發卽叫呼聲高潔古云奪食則已因不與之食予用大承氣湯下之得臟腑查穢數升狂稍

寧數日復發復下如此五七次行大便數斗疾瘥身溫脉生良愈此易老奪食之法也

戊申年

一人犯法褫衣將受刑而得釋精神頓失如痴予與驚氣丸一丸服訖而寐及覺病已失矣

提

轄張載陽其妻因避寇失心已數年予授驚氣丸方不終劑而愈

黃彥奇妻狂厥者踰十年諸

醫不驗予授驚氣丸方去附子加鐵粉亦不終劑而愈

古今醫鑑曰一女子年十五因氣惱患

語言顛倒欲咬人打物偷藏東西時哭時笑心怕膽小飲食不知饑飽身體發熱以防風通聖散加生地黃牡丹皮二服即安

萬病回春曰一婦人發狂棄衣而走踰垣上屋不識親疎狂言妄語

人拿不住諸醫措手余令家人將涼水亂潑不記數須臾倒仆診其脉六部俱弦數有力乃熱極生

風也用防風通聖散加生地黃黃連桃仁紅花牡丹皮三劑而安後服祛風至寶丹全愈

薛氏

醫按曰一僕人五月間病熱口乾唇乾譫語診其脉細而遲用四君子湯加黃芪當歸芍藥熟附子

進一服熱愈甚狂言狂走或曰附子差矣診其脉如舊仍增附子進一大服遂汗出而熱退脉遲四

至矣

應天王治中遍身發黃妄言如狂苦於胸痛手不可近此中焦畜血爲患用桃仁承氣湯

一劑下瘀血而愈

太守朱陽山弟下部畜血發狂用抵當湯而愈

證治準繩曰滑伯仁治